

## Ақийда дарслари (177-дарс). Набий алайҳиссалом бармоқлари орасидан сув чиқиши



19:00 / 04.04.2022 6305

Осмоннинг хабари бўлмиш ваҳийни қабул қилиб олиш, Аллоҳнинг каломи Қуръони Каримни қабул қилиб олиб, кишиларга етказиш ва уни татбиқ қилиш Муҳаммад соллаллоҳу алайҳи васалламнинг бош мўъжизалари эди. Пайғамбаримиз Муҳаммад Мустафо соллаллоҳу алайҳи васалламнинг бошқа мўъжизалари у зотнинг пайғамбарликларининг тасдиғи сифатида ҳужжат қилинмас эди.

Шундай бўлса ҳам, мазкур мўъжизалар у зотнинг ҳаётларида кўп марталаб содир бўлганини ҳамма таъкидлайди. Қуйида ана ўша мўъжизаларнинг баъзилари билан танишиб чиқамиз.



Яна ўша кишидан ривоят қилинади:

«Набий соллаллоҳу алайҳи васаллам баъзи бир чиқишларига чиқдилар. Ул зот билан саҳобаларидан баъзи кишилар бор эди. Улар юриб кетдилар. Намоз вақти бўлди. Таҳорат қилгани сув топмадилар. Қавмдан бир киши бориб, бир қадаҳда озгина сув келтирди. Бас, Набий соллаллоҳу алайҳи васаллам унда таҳорат қилдилар. Кейин тўрт бармоқларини қадаҳга чўздилар ва:

«Туринглар, таҳорат қилинглари», дедилар. Бас, қавм хоҳлаганларича таҳорат қилдилар. Улар етмиш ёки шу атрофида эдилар».

Бухорий ривоят қилган.

هَلْ لِي صُيِّبٌ لَوْ أَوْهَيْبٌ دُخِلَ مَوْيُ سَأَلَ شَطْعَ: لَأَقُوعُنَّ لَلِإِيضِ رَبِّاجٍ نَع  
«؟مُكَلِّمٌ» لَأَقُوفُ، وَوَحْنُ سَأَلَ شَطْعَ، أَضَوْتَفُ، وَوَكْرُهُ دِي نَيْبِ مَلَسُو هِي لَع  
يَفُ هَدِي غَضَوَفُ، كَيْ دِي نَيْبِ أَمَّ الْإِبْرَشَنَ الْوَأَضَوْتَنَ أَمَّ أَنْ دَعَسَيْلَ: أَوْلَاقُ  
، أَنْ أَضَوْتَوَ أَنْ بَرَشَفُ، نُوِيْغِلَ لَلِأَثْمَ أَكْ هَعَبَ أَصَأُ نَيْبِ رُوْتَيْ أَمَّ لَلِغَجَفُ، وَوَكْرُ لَلِ  
هُ أَوْرَ. هَئِئَامَ رَشَعَسَمَخُ أُنْكَ، أَنْ أَفَكَ لَفَلْ أَمَّ أُنْكَ وَوَلْ: لَأَقُ؟ مُتْنُ كَمَكُ: تُلُقُ  
يُ رَاخُ بَلْ

Жобир розияллоҳу анҳудан ривоят қилинади:

«Худайбия куни одамлар чанқаб қолдилар. Пайғамбар соллаллоҳу алайҳи васалламнинг олдиларида кичик меш турарди. Бас, у зот таҳорат қилдилар. Одамлар у зот томон шошилдилар. Шунда у зот:

«Сизларга нима бўлди?» дедилар.

«Хузурингиздагидан бошқа таҳорат қилишимизга ҳам, ичишимизга ҳам сув йўқ», дейишди.

Бас, у зот қўлларини кичик мешкоб ичига солдилар. Шунда бармоқлари орасидан худди булоқларга ўхшаб сув отилиб чиқа бошлади. Биз ҳам ичдик, ҳам таҳорат қилдик». «Неча киши эдинглар?» дейилди.

«Юз мингта бўлганимизда ҳам етар эди. Ўн беш юзта эдик», деди».

Икки шайх ривоят қилишган.

**«Сунний ақийдалар» китоби асосида тайёрланди**